

## 2. mailako Hirigintza: sarrera

# HIRI-IBILBIDEEN AZTERKETA

## 6. ariketa

**Lau** plano A-1 landuko ditu talde bakoitzak, aurreko ariketako herri berdina aztertuz:

1.- Kultura-ibilbidea: Lehen planoan kulturarekin erlazionatutako eraikinak eta espazio publikoak zehaztuko dira (museoak, kulturetxeak, musikaguneak, monumentuak, eta abar), haien arteko hiri-ibilbide bat sortuz. Koloreak: eraikinak, morez, eta espazio eraikigabeak, larrosaz.

2.- Kirol-ibilbidea: Bigarren planoan kirolekin erlazionatutako eraikinak eta espazio publikoak zehaztuko dira (polikiroldegiak, frontoiak, korrika egiteko guneak, eta abar), haien arteko hiri-ibilbide bat sortuz. Koloreak: eraikinak, urdin ilunez, eta espazio eraikigabeak, urdin argiz.

3.- Ibilbide geldoa: Hirugarren planoan astiro doazen hiritarrek (zaharrek eta umeek, bereziki) erabiltzen dituzten eraikinak eta espazio publikoak zehaztuko dira (eskolak, egoitzak, anbulatorioak, eta abar), haien arteko ibilbide bat sortuz. Koloreak: eraikinak, laranja, eta espazio eraikigabeak, horiz.

4.- Hiru ibilbideen batuketa: Laugarren planoan hiru hiri-ibilbideen batuketa zehaztuko da, ondorio nagusiak laburbilduz deskribapen labur batez (250 hitz gehienez), baita eskemen bitartez ere.

Ibilbideak itxiak (zirkularrak) ala irekiak (adardunak) izan daitezke, baita bien arteko nahasketak ere. Lehen hiru planotan eraikin nagusien eta kaleen izenak zehaztuko dira, haien argazkiak edo marrazkiak erantsiz eta zehaztuz; ibilbide bakoitzaren sekzio esanguratsua egingo da, nondik egin den adieraziz. Interesgarria den informazioa gehituko da (kale nagusien zabalerak, ibilbideen luzerak, ikuspegi onak dituzten puntu estrategikoen kokaguneak, eta abar). Adierazi plano guztietan iparra, eskala grafikoa eta taldekideen izenak.

**1:2000** eskala gomendatzen da, baina herriaren ezaugarrien arabera alda daiteke (sektzioa 1:500 eskalan ere egin daiteke). Planoak PDF formatuan emango dira CD batetan (300 d.p.i. kalitatearekin, ondo orientatuak eta izenburu adierazkorrekin, adibidez: “2. Bergarako kirol-ibilbidea.pdf”; CDaren azalean taldearen izenak eta herria errotulatuak dira; PDF edo plano bakoitzaren gehienezko pisua 5 megakoa izango da).

Oharra: Ikus [http://212.145.146.10/ejercicio/concursos/concursos\\_ocam/060615\\_itinerarios/060615\\_iu\\_doc.html](http://212.145.146.10/ejercicio/concursos/concursos_ocam/060615_itinerarios/060615_iu_doc.html) webguneko “2. PLANOS DE LOS ITINERARIOS” ataleko PDFak, adibide gisa. Bestalde, jakingo duzue, PDFak CAD programatik zuzenean sor daitezke; PDFak inprimatzeko softwarerik eduki ezean, <http://sourceforge.net/projects/pdfcreator/> webgunetik *PDFCreator* programa askea jeitsi daiteke. Eta bukatzeko, herrien CAD planoak –topografikoak zein partzelario katastralak- dxf formatuan <http://www.gipuzkoa.net/> webgunetik doan jeitsi daitezke.

Ariketak abenduaren 1eko eskola bukaeran emango dira

Donostia, 2009ko azaroaren 11n

Irakaslea: Unai Fdz. de Betoño